

ՀՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

Այս տարվա մարտի 26-ին կայացավ ՀՍՍՀ գիտությունների ակադեմիայի տարեկան ընդհանուր ժողովը:

«Ակադեմիայի 25 տարին և նրա հերթական խնդիրները» զեկուցմամբ հանդես եկավ ակադեմիայի պրեզիդենտ, ակադ. Վ. Համբարձումյանը: Այնուհետև ընդհանուր ժողովը քննարկեց ակադեմիայի 1968 թ. գիտական գործունեության հիմնական արդյունքները:

Ակադեմիայի գիտնականները աչքի ընկնող նվաճումներ են ձեռք բերել մաթեմատիկայի, ֆիզիկայի, քիմիայի, կենսաբանության և հասարակական գիտությունների բնագավառում: Հանրապետության առաջատար ինստիտուտների գիտական նվաճումները հայտնի են նրա սահմաններից դուրս:

Ակադեմիան գիտության մեջ նոր նվաճումներով և հետազոտական նորույթներով է պատրաստվում դիմավորելու Վ. Ի. Լենինի ծննդյան 100-ամյակը և Հայաստանում սովետական իշխանության հաստատման 50-ամյակը:

Հսկայական նշանակություն տալով արդյունավետության զարգացմանը Հայաստանում, ակադեմիան մեծ ուշադրություն է դարձնում ֆիզիկա-մաթեմատիկական և տեխնիկական գիտությունների զարգացման վրա: Այդ ասպարեզում գործող ինստիտուտների կոլեկտիվները շարունակում են կարևոր պրոբլեմների հետազոտությունները, իսկ առանձին ինստիտուտներ գիտության մեջ աչքի ընկնող գիրք են գրավել: Հայ ֆիզիկոսների, մեխանիկների, մաթեմատիկոսների գիտական աշխատանքը մեծ դեր է խաղում Հայաստանում էլեկտրատեխնիկական, ռադիոտեխնիկական, էլեկտրոնային, սարքաշինական արդյունաբերության զարգացման գործում:

ԳԱ նուրբ օրգանական քիմիայի, օրգանական քիմիայի և բիոքիմիայի ինստիտուտների գիտնականները խոշոր հաջողությունների են հասել: Նուրբ օրգանական քիմիայի բնագավառում կատարած մեծ աշխատանքի համար ՀՍՍՀ ԳԱ ակադեմիկոս Ա. Լ. Մնջոյանին շնորհվեց սոցիալիստական աշխատանքի հերոսի բարձր կոչում:

Զգալի աշխատանք է կատարվել երկրաբանական գիտությունների բնագավառում: Մասնավորապես, հայտնի է ակադեմիայի երկրաբանների աշխատանքը մոլիբդենի ու երկաթահանքի պաշարների, ինչպես նաև ցրված ու հազվագյուտ տարրերի ուսումնասիրության բնագավառում:

Գեոֆիզիկայի և ինժեներային սեյսմոլոգիայի ինստիտուտում կատարված տեժական ու գործնական կարևոր նշանակություն ունեցող աշխատանքների համար ինստիտուտը վերջերս պարգևատրվեց Աշխատանքային կարմիր դրոշի շքանշանով:

Հայ գիտնականները կարևոր աշխատանքներ են կատարել կենսաբանական գիտությունների բնագավառում: Շարունակվել են Հայաստանի բուսական և կենդանական աշխարհի ուսումնասիրությունները, բույսերի ֆիզիոլոգիայի գծով կատարվող հետազոտությունները, զգալի աշխատանք է կատարվել կերային սպիտակուցի պրոբլեմի լուծման ուղղությամբ:

Հասարակական գիտությունների բնագավառում շարունակվել են աշխատանքները հայ ժողովրդի պատմության, լեզվի, գրականության, հնագիտության, արվեստի, փիլիսոփայության ու իրավունքի, ինչպես նաև տնտեսագիտության և արևելագիտության ասպարեզներում: Ակադեմիայի ինստիտուտները հայագիտության թնագավառում մի շարք խոշոր հաջողություններ են ունեցել, հրատարակելով բազմաթիվ գրքեր, այդ թվում նաև հայ դասական գրողների երկերը:

Ակադեմիան զգալի աշխատանք է տարել ժողովրդական տնտեսության մեջ գիտական աշխատությունների արդյունքների ներդրման ուղղությամբ:

Ընդլայնվել են ակադեմիայի միջազգային կապերը: Միայն 1968 թ. ակադեմիայի գիտնականները եղել են Հունգարիայում, Ռումինիայում, Լեհաստանում, Զեխոսլովակիայում, Կանադայում, ԱՄՆ-ում, Շվեդիայում, Բելգիայում, Մեքսիկայում և շատ այլ երկրներում, որտեղ ծանոթացել են արտասահմանյան գիտնականների աշխատանքի փորձին, հանդես են եկել գիտական զեկուցումներով: Կարևոր իրադարձություն էր Հայաստանի և Հունգարիայի գիտությունների ակադեմիաների միջև անմիջական գիտական համագործակցության պայմանագրի կնքումը 1968 թ. ապրիլին, որը Հայաստանի ակադեմիայի պատմության մեջ առաջինն է: Անցյալ տարի ՀՍՍՀ ԳԱ ընդունել է կապիտալիստական և սոցիալիստական երկրների 86 գիտնականների: Աճել է հայ գիտնականների միջազգային հեղինակությունը: ՀՍՍՀ ԳԱ ակադեմիկոս Ի. Վ. Եղիազարովը արժանացել է Բուդապեշտի տեխնիկական համալսարանի պատվավոր դոկտորի կոչման, իսկ երկրաբանական գիտությունների ինստիտուտի ավագ գիտական աշխատակից

է. Գ. Մալխասյանն ընտրվել է էրկրաբանական գիտությունների պատմության միջազգային կոմիտեի թղթակից-անդամ:

ՀՍՍՀ ԳԱ 1968 թ. գիտական գործունեությանը և ակադեմիայի 25-ամյակին նվիրված տարեկան ընդհանուր ժողովին նախորդեցին

ակադեմիայի բաժանմունքների նիստերը, որտեղ քննարկվեցին բաժանմունքների մեջ մոտենող ինստիտուտների 1968 թ. գիտական գործունեության հիմնական արդյունքները:

Ա. ԲԱՐՍԵՂՅԱՆ

ՀԱՅ-ՀՈՒՆԴԱՐԱԿԱՆ ԳԻՏԱԿԱՆ ՀԱՄԱԳՈՐԾԱԿՑՈՒԹՅՈՒՆԸ

1968 թ. ապրիլի 24-ին Բուդապեշտում ՀՍՍՀ գիտությունների ակադեմիայի պրեզիդենտ, ակադեմիկոս Վ. Հ. Համբարձումյանը և հունգարական ակադեմիայի պրեզիդենտ, ակադեմիկոս Իշտվան Ռուսնյակը համատեղ արձանագրություն ստորագրեցին երկու ակադեմիաների միջև փոխադարձ գիտական կապերը ուժեղացնելու և բնդհանուր հետաքրքրություններ կապացնող գիտական պրոբլեմները համատեղ ուսումնասիրելու մասին: Այդ միջոցառումը ՍՍՀՄ և հունգարական ակադեմիաների միջև 1958 և 1961 թթ. կնքված համաձայնության իրագործման կարևոր քայլերից մեկն էր:

ՀՍՍՀ ԳԱ նախագահության որոշմամբ այս տարի Հունգարիա ուղարկվեց հայ գիտնականների մի խումբ, որի կազմում էին ՀՍՍՀ գիտությունների ակադեմիայի հասարակական գիտությունների բաժանմունքի ակադեմիկոս-քարտուղար, ակադեմիկոս Ծ. Աղայանը, ակադեմիայի նուրբ օրգանական քիմիայի ինստիտուտի գիրեկտոր, ակադեմիկոս Ա. Մեռնյանը, պատմության ինստիտուտի հայ դաղթավայրերի պատմության բաժնի վարիչ, պատմական գիտությունների թեկնածու Վ. Ոսկանյանը և արևելագիտության սեկտորի ավագ գիտաշխատող, պատմական գիտությունների դոկտոր, պրոֆ. Ն. Մարգարյանը: 1969 թ. հունվարի 13—27-ը պատվիրակությունը եղավ Բուդապեշտում, ծանոթացավ հունգարական ակադեմիայի մի շարք հիմնարկների աշխատանքին, թեմատիկային և գիտահետազոտական գործունեությանը, ինչպես և Հունգարիայի գիտնականների հետ քննարկեց հասարակական գիտությունների բնագավառում համագործակցության կոնկրետ խնդիրները:

Հունվարի 24-ին ակադեմիկոս Ծ. Ա. Աղայանը և հունգարական ակադեմիայի ակադեմիկոս Մատթիա Լասլոն համաձայնություն ստորագրեցին հասարակական գիտությունների բնագավառում Հայաստանի և Հունգարիայի ակադեմիաների համագործակցության մասին: Այդ համաձայնագրով հայ և հունգար գիտնականների գիտահետազոտական աշխատանքները

պետք է ընթանան հիմնականում պատմության, հնագիտության ու ազգագրության, արվեստի պատմության, գրականագիտության և լեզվաբանության դժույլ հայ և հունգար պատմաբանները պատմության բնագավառում համատեղ ուսումնասիրելու են աշխարհի թեմաներ, ինչպես «Հայկական աղբյուրները հունգարների նախապատմության և նրանց հետ շփում ունեցող ժողովուրդների մասին V—IX դդ.», «Հունգարական աղբյուրները հայերի մասին», «Հունգարա-հայկական կապերի մասին», «1848—1849 թթ. Հունգարիայի ազգային-ազատագրական պայքարի արտացոլումը հայկական պարբերականներում», «Հունգար ժողովրդի ներկայացուցիչների մասնակցությունը Անդրկովկասի հեղափոխական շարժումներին և հայերի մասնակցությունը Հունգարիայի հեղափոխական շարժումներին» և այլն: Հնագիտության և ազգագրության բնագավառում հունգար և հայ հնագետներն ու ազգագրագետները համաձայնության են եկել փոխադարձաբար մասնակցել հին շրջանին վերաբերող պեղումներին Հայաստանում և Հունգարիայում: Արվեստի բնագավառում որոշվեց ուսումնասիրել Հունգարիայի Հարտարապետական հուշարձանները և ցույց տալ փոխադարձ կապերը կերպարվեստի տարբեր էլուզիում: Համաձայնություն կնքվեց հատուկ ուսումնասիրություն գրել 1887—1913 թթ. կեղևյում հունգարերեն լույս տեսած «Արմենիա» պարբերականի մասին, որի էջերում լայնորեն լուսարանվել է Հունգարիայի անտեսական և կուլտուրական կյանքը, ինչպես նաև ապագրվել են հայագիտությանը վերաբերող նյութեր:

* * *

Մարտի 18-ին տեղի ունեցավ ՀՍՍՀ ԳԱ պատմության ինստիտուտի գիտական նստաշրջան՝ նվիրված հունգարական պրոբլեմատիկական հեղափոխության և Հունգարական Սովետական Հանրապետության հաստատման 50-ամյակին: